



KODA TEVGRIYANÊ YA DAXWAZKER
ZANYARIYÊN TÊKILDARÎ TE
HEVPEYÎVÎNA SERHÊL A PARASTINA NAVNETEWEYÎ

Te ji bo parastina navneteweyî li vê parêzgehê daxwaz daye û zanyariyên têkildarî daxwaza xwe li pirsnameya xwe bo vê rêveberiyê raber kiriye. Armanca Hevpeyvîna Serhêl a Parastina Navneteweyî vekolandina tevav a daxwaza te ji zanyariyên raberkirî û wan zanyariyan e ku tu yê di hevpeyvîna xwe ya sserhêl de raber bikî. Ji bo vî karî pêwîstî bi pirsîna deqqîq têkildarî mijarên pêşkêşkirî ji aliyê te ve li pirsnameyê û babetên din e ku hevpeyvîner pêwendîdar bizane. Tu divê li ser her pirsekê ku ji te tê kirin û tê nagihêjî, ji hevpeyvîner daxwaza ronkirin û şiroveyê bikî.

Tu divê tirs û nîgeraniyên xwe bi awayekî zelal û deqqîq şirove bikî û hemî zanyarî û hûngiliyên têkildarî şert û mercên xwe yên taybet raber bikî. Hevpeyvîn derfetek e bo te da ku bi hûrî şirove bikî ku çima ji veqeriyana bo welatê xwe yê jêderk ditirsî.

Eva **erka te ye ku bi tevavî hevkarî bikî û tevav rastbêj bî**. Raboriyên nivîskî yên hevpeyvîna serhêl ji aliyê hevpeyvînerê têkildar û aliyên potensiyeldar ên têkildarî daxwaza te tîne hilgirtin. Raboriya hevpeyvînê ji te re tê xwendin û di heyama hevpeyvîna serhêl de mora dem û rojê tê lêdan û ev derfet li ber destê te heye da ku hûngiliyên ku difikirî bi tamî nehatine belgekirin, serrast bikî. Ji te tê xwestin ku bi awayê devkî (nenivîskî) piştrast bikî ku raboriyên hevpeyvînê di heyama hevpeyvîna xwe qebûl bikî û ev dem di dosyeyê de tê tomarkirin. Mora demê piştrastkirina devkî û dem û roja wê piştrast dike.

Rêveberiya Parastina Navneteweyî di bin ti şert û mercekê de dê digel rayedarên welatê ku tu jê direvî, di tîkiliyê de nebe.

Piştî hevpeyvînê şîret û tewsiyeyek têkildarî daxwaza te tê raberkirin û eger ew şîret nerênî be, te yê ev derfet hebe ku li Dadgeha Pêdaçûnê (Venihêrandin) ya Parastina Navneteweyî gilî bikî.

Rola wergêrê devkî: Wergêrê devkî (ne-nivîskî) heke beşdar be, pirsên hevpeyvîner û bersivên te bi baldarî şirove dike. Wergêr ne rawêjkariyê dide te û ne jî nêrîna xwe li ser pênasê û çawanîya dosyeya te tîne ziman. Haya wergêr ji nihênîbûna hevpeyvînê heye, wergêr nikare ji bilî bi rêya hevpeyvîner bi te re biaxive.

Nûnerê Qanûnî: Nûnerê Qanûnî yê te, heke beşdar be, dikare hin notan binivîse, lê nabe ku ew gotina te bibirre yan bersiva pirsekê bide. Di dawiya hevpeyvînê de, ji Nûnerê Qanûnî yê te dê were pirsîn ku gelo nêrîneke xwe ji bo raderberrînê heye yan na.

Di destpêka hevpeyvînê de ji te tê xwestin ku piştrast bikî ku te ev belge name xwendiyê û tê gihîştîyî.

Navê daxwazker:

Roja lihevkerinê: RR/MM/SSSS

Roja lihevkerinê: RR/MM/SSSS